

亦有生齋集

亦有生齋集詩卷第十四

武進 趙懷玉 億孫

古今體詩

旃蒙單閼

元夕立春

元夕逢春到條風應候初寒深裘力薄病久酒杯疎好嬾常

支枕消愁但檢書清光今夜滿何物妒蟾蜍

是夜月蝕

朱侍讀

承寵

倩羅山人

聘

寫石屬余系之以詩

誰斲山石何玲瓏洞天一品具體同寫真者誰羅兩峯素壁

忽起青夫容主人夙有阿章好退食對之莞爾笑此石前身

定石麟摩挲恰應添丁報

時甫生子

自慚比德徒云云他山之攻

宜待君何當其踏天都頂盡看奇峯化作雲

族子浦好學而醇未得一衿竟以鬱死詩以傷之

直是門基弱難將祖德評

浦祖啓瑛君以長厚稱

并無三尺託不使一

衿榮夜雨孤鴛曲斜陽怪鵲聲重來應報汝黃口掇科名

紀曰

百不如人健唯誇目力彊那堪年冉冉漸覺視茫茫作字常嫌大繼書轉苦詳鏡中迷粉黛燈下失丹青洗願方諸潔分思黷黷光物來難雪亮塵起畏風狂老圃宜收斂寒郊合採桑也曾嘆窮水無奈鬢添霜蒲柳衰微早江湖逸興長看花縱能徧何似夢羲皇

次韻答洪大

亮吉

寄懷

射策君如蕭長倩齋糧我媿鄭當時那堪對雪三年病自壬子以來入冬每讀懷人萬里詩損俸喜還資藥裏關心聞已到尊

絲終應同踐江湖約尊酒先來燕市持

爲查給諫

堂

題聽雨樓畫卷王太守

宸

筆也

長安多甲第難得樓凌虛聽雨尤著名歸然前代餘我年十

八九策蹇春明初朝夕詣斯樓文酒聯吾徒

歲乙酉畢湘延青同兄修撰抗

寓此屋一時如嚴長明東有鄭宗華五李華國懋德皆數相過從遠迎山氣爽近看簷花數

鄉園一歸臥蹤蹟遂與疎幾經寓公住旋屬名流居縹緲位

甲乙樹石刪榛蕪主人屢持節久荷

知遇殊比歲涉江漢多土方涵濡忽觸將母懷遠上陳情書

詩依東晉例景倩王濛圖芳蘭佐晨羞新霽扶板輿年年履

長節介壽趨簪裾廣筵列玳瑁小部登瓊樓頭燦燈火樓
下喧笙竿有弟早解紱隔巷近結廬人方太邱陳或擬眉山
蘇雖云官境順能抵天倫無我亦久辭親望雲每脚踟微祿
不能養薄田反償逋展卷動遐思所戀非尊鱸

故侍郎光山胡公

以子尚書

季堂

之請得

旨賜諡文良侍郎先恭毅所取士也

綸音昨爲易名宜人道尚書孝格天兩字文良歸

論定九家述作接心傳

公選於易

枌榆早有明禋在組珮方看積

慶延我是通門今五世得逢盛事倍欣然

胡尚書

季堂

以其先宗伯得諡紀

恩詩見示復次元韻三首

維嶽由來降甫申儒林傳自有完人成名晚預登瀛選汲古
先垂釣海綸猶記在辰賢合識重看週甲

帝施仁

女良以乾隆丙辰
去世今正六十年

韋編三絕誰同志屈指安溪

李文貞光

地一个臣

尙書自濟承家美

聖主偏深眷舊情

予謚遂教成曠典著書已早見孤行西京每以通經顯東國
曾收稽古榮自是孝思能不匱迢迢紫水共迴縈
誦有清芬漱有芳再傳簪紱接前光

新恩逾格應爭賀往境追思轉自傷兩字箴規勸忠孝一時
歌詠紀文良淵源我最於公久細數遺微敢便忘

徐太守

大裕

以卓薦入都賦贈

春來日日盼雙旌十載相思喜合并郡列股肱資重望民消
牙角震先聲詩篇旬爲應官廢意氣知從見道平

簡在久深遷拜近地高正可福蒼生

阮太史

學濬

嘗以惲南田一竹齋圖便面贈其弟子程侍

御

炎

侍御旣別臨一本而原本旋失太史亦久歸道山

屬詩紀之

正叔吾鄉人若營亦同里誰圖一竹齋能事萃於此吮毫想
見良工心流傳難得逢賞音淵源投贈重風義匪特翰墨因
緣深籟龍破壁潛飛去八琴俱亡抑何遽幸畱粉本別傳神
面目廬山猶可遇稻香樓中書畫多朝回時復供摩挲得師

只在虛心處眼底雲煙一任過

徐明理母節孝詩

婦人適所天有若臣妾贅不幸中道捐可以觀厥志人言撫
孤難慷慨從死易豈知撫孤中事亦非一何或豐衣與食耕
奴織問婢其心雖云苦精力未全散或忍饑與寒俯育更仰
事是爲難之難殆以日爲歲猗歟徐節母四德幼咸備婉婉
侍庭闈妙能得先意南州高士風安貧有夫壻常以操作勤
代彼束修匱翁劬夫抱疴醫禱兩無濟力屈難回天身輕思
入地君姑泣止之敦勸執大義遺孤才五齡強近鮮親懿爾
死還塞責吾衰竟誰慰節母勉受命悲辛每潛制饑饉矧存
臻糠粃不充胃十指血有痕兩眶淚常漬閭閻染疾疫巫覡

競飽醉厲鬼夜過門早作三舍避可知正氣盛遠卻災與疹
奉姑以壽終八旬復餘四子能讀父書生孫亦有二鄉人頌
母賢入告請大吏

朝廷重風教綽楔因表異勅以晚更芳蔗因老增味休疑食
報爽福者德之致包山林屋間吾昔曾遊憩樂其靈秀鍾卜
築未遑遂令子近北來名流交盡締謂言闡幽光宜莫如文
字我文詎足傳乃不我遐棄願請質言之以俟輶軒至

六月十六夜月食宿太常寺卽事

鳴鉦奏鼓漏迢迢夜向容臺會百寮禮肅便忘筋骨倦地清
漸覺暑炎消微臣蟣蝨愁無力何物蝦蟇敢逞妖一瓣心香
三寸燭可能邀鑒到穹霄

夏日同人山豐宜門卽事

每憶城南勝來乘九夏天幾人同策馬一路但聞蟬深淺
芙蓉放高低禾黍連翻憂故鄉旱梅雨未霑田

隨意支籬落居人半種花學慚爲老圃買羨屬豪家樹密能
遮日泉清不礙沙逢僧任畱話且喫趙州茶

和管漕帥

幹貞

寄懷之作

昔過淮南路秋風上節樓又成三歲別殊苦一官畱冰鐵風
棱著蕒鱸心蹟幽似聞輿頌好福曜正當頭

潞河旌節近日暮隔停雲猶有詩相憶緣知思不羣新編應

速寄

時索詩
集未與

清俸媿常分何日茅堂築徵文記墨君

附原作

東壁傳詞草才名昔倚樓階紅花自有杯綠客仍畱詩
以工愁進居綠示疾幽能將潔白意涵泳鳳池頭
每愛微泉閣春溪見白雲傳家唯鶴俸換字有鵝羣蒼
卜青楊近堂鄰橙樹分湖鄉思洽比我意正同君

題同年江侍御

德量

所畫詩龕圖

并序

秋史侍御生平喜蓄古書畫書工八分畫不多作而天
分頗超壬子冬入都秋史方主津門講席盤桓竟日而
別別未幾而秋史殤書畫皆散去乙卯秋過梧門祭酒
出所畫詩龕圖見示展軸慨然爲題斷句

滿船書畫散如煙猶有丹青寫輞川莫道江郎傳彩筆護持
也仗主人賢

送孫大星衍備兵山左

由來七事重監司海岱今看露冕時訪古更從行部廣說經
最與此邦宜玉堂清切三霄夢畫省賢勞六歲資敷歷要令
中外徧好將精白答

殊知

連朝帳飲唱驪歌木葉風高下潞河賓從清遊隨地盛庭闈
樂事得天多故人且喜頻持節有客誰憐待補蘿甚欲去依
劉表住可能爲我築行窩

九日訪葉編修

紹桂

不遇重過法源寺邀二錢生

澄溥

登

念佛臺作

題糕送酒歇風流日暮聊爲蕭寺遊訪友不逢重結侶登高

有例獨悲秋天邊遼少新鴻雁地下藏多古髑髏

相傳唐初征高麗國

賜皆葬念佛臺下可惜東籬花賣盡不教歸去插盈頭

讀史偶書

秋窗讀史一燈紅往事都歸過眼中如汝人才皆令僕看他
得失亦難蟲初心誰保河間婦晚境應輸塞上翁到底畱將
松輶好蕭齋空引白楊風

挽錢侍御

禮

囊函封事篋畱詩神表如君竟止斯萬里家山身盡瘁兩番
臺閣

主深知孤真是藐貧誰託醫本無靈病亦奇攬涕自爲朝野
惜不徒風義友兼師

秋懷四首次熊大

方受韻

叢鞠開殘落葉輕眼前風物總淒清流光又覺三秋盡
客徒教百感生詞拙叩門仍乞食望勞陟帖每關情榮枯不入
閒居夢多事書空雁字橫

詞壇少日勇攀旗虛室如今悔坐馳豎子成名無足怪男兒
作事定須奇悠悠敢望人相諒耿耿先思我弗爲炳燭尙明
塗已遠可容補誦青躬詩

宿欲西家食欲東謀身畢竟問誰工羽毛若鬣飛常倦牙爪
能張假亦雄脫屣幾泉凡幾輩彈冠臺省又謫公請看鼓棹
滄江客也有人占貫月虹

故交投句慰離羣還命中車過訪勤話到家門餘浩氣隔來

城闕怕斜暝神仙位迴應論福著作庭高願定文珍重茅容雞黍饌好畱醞酒待微醺

十月九日招同羅山人聘桂大令馥邵侍讀晉涵吳贊善

錫麒周有聲李鼎元兩舍人李驥元葉紹儻兩編修熊

方受張問剛兩檢討魏成憲伊秉綬兩比部集敦經悅

史之堂舉展重陽會時王給事友亮不至以塵世難逢

開口笑菊花須插滿頭歸分韻得世字

八月號端午名亦維人繫重陽古佳節展之況成例彼徒十

日近此乃三旬計良朋悵久疎高會庶茲繼數擬倍竹林交

初締巖桂謂大如何醉鄉人託疾不肖詣花晚菊猶香囊空

酒堪賁飛觥拇戰捷鬪韻心兵銳客方勇可賈主反倦恩醴

莫言晷影促斜月又西逝送客出柴門支檠小窗閉夜闌夢
易醒坐想疑隔世

爲吳贊善錫麒題元人水邨圖

微雪初晴庭月白主人銷寒夜招客酒酣出示水邨圖布指
橫量逾二尺款識曾無作者名流傳云是元人蹟風帆沙鳥
入微茫蟹舍魚罾勞指畫問津難繼武陵遊到海空疑蓬島
隔得非初葉創吾宗松雪有水邨圖大德六年爲錢德鈞作或者重摹變新格
我謂主人鄉思積無怪珍之如拱璧君今三載別西湖我亦
四年拋笠澤走馬應官笑再來叩門乞食非長策有田不歸
今無田茅屋蒼荒殊可惜把圖展對神欲飛安得此中同泛
宅筆牀茶竈其往還更結比鄰數晨夕

十月二十四夜集有正味齋客散復畱分韻得逢字

送客已過半主人興未慵詩剛成七子酒易罄三冬街月紛
殘柝林颺遞遠鐘莫辭重醕酌良會信難逢

和孫大觀察

星衍

兗州道中韻

衡門雪後少塵喧有客書來正歲寒行部每添新得句趨庭
卻喜乍遷官桑經注好關心讀魯國山多放眼看作宦盡如
君快意教人爭不想彈冠

爲魏比部

成憲

題丁龍汭陳楞山詩畫合冊

清蒼詩格數龍汭倩逸還兼波磔精今日寒窗重展對依然
風日近南榮

著墨無多生面開老楞妙奪白陽胎何當占斷陂塘住盡買

羣芳按譜裁

三絕猶傳舊典刑一時人物屬西泠長安儘有閒書畫未抵
攜來自過庭

冊爲比部
尊人作

桂大令

發

六十初度以竹根三象屬題卽以爲壽

飛錫歸趺坐慣空山日長欠伸倦不費丹青費刻鏤貫休以
外開生面偶然託蹟來潭西平安日報煩綱維

阿羅漢

目懸珠齒編貝歲星遊戲人間世何年又化綠卿身彌勒龕
中同位置滑稽之雄迴絕倫那可一日無此君

東方曼倩

春見丁秋見丙直狼比地朝夕影但教堅節更虛心便與列
星爭壽永無酒學佛有酒仙老人隨遇成因緣

壽星

忻州汪刺史

本直

重修元遺山墓題寄

先生生及明昌世眼中猶見承平事灑淚那堪晚境非關心
獨重名山寄金源文獻都沉淪手輯言行傳君臣乾坤一亭
號野史但願身後稱詩人白骨幾添兵死鬼黃金甲第俱流
水先生也算地行仙詩卷長留靈不毀只今寂莫韓偓邨翁
仲無言落照昏過客誰澆一杯酒居民空說五花墳使君下
馬心香肅入夜呼燈把碑讀松檟重教護墓田雲初還遣依
祠屋請向當塗徧致詞表章風雅卽吾師荒原多少無名冢
恐有人如元裕之

厭勝錢歌爲顏大令

崇梨

作

藏之令人富佩之卽生男母怪世上羣耿耿尊者以爲神昵
者遂成癖積而不散將爲厄誰生厲階作巫蠱厭勝鑄錢由

漢武三十六種手摹拓廣文先生真好古

大令本爲廣文百近以知縣用

祿長壽紛祝詞雲龍風馬搜靈奇道書豈重敕勒術禪定要
試橫陳時挂君高堂同畫餅有客買春愁未醒我欲卜卦商
行藏幾時得辦還家裝

立春日招吳贊善

錫麒

李舍人

鼎元

張

問陶

王

蘇

雨翰林

吳孝廉

南

陳上舍

萬

集亦有生齋分得看字

條風纔應節玉河冰已泮折簡招故人荒齋列杯案消寒興
漸闌買春此爲冠數典舉竹林論交比松幹燈殘促添燭爐
近思減炭人生忽五十簪勝亦可歎且拌無量飲莫學大衍
算酒罷舞不辭遠聽雞聲喚斗柄果東迴送客出門看

除夕和東坡韻三首

饋歲

閒官雖久客朋遊輪鮑佐朱門盛饋遺貧者不以貨未能遽
免俗作事笑措大投桃或忘報得酒輒思臥臥起對唐花色
香春滿座絕勝僧寮中清齋供鍛磨都下寺院每歲用除夕
鍛磨是日作鍛磨齋見
雲仙雜記交際本古風紛靡戒太過惟儉迺永圖寥寥嗟寡和

別歲

莫言代謝易如送車透遲五十是明朝昨非其能追條風扇
林際層冰泮水涯崢嶸歲去日黯慘魂消時江國橘初來關
東魚始肥呼朋日相逐唯酒能解悲故鄉不可卽痛飲且勿
辭吾衰已如此何況吾親衰

守歲

翔則爲鸞鵠蟄則爲龍蛇常恐青春往難將白日遮垂老固
足惜長貧更如何不見比鄰客出入阿殿譁爆竹處處喧街
鼓頻頻攪問夜欲趨朝起視參橫斜平生每後人窮達皆蹉
跎陋彼朱翁子富貴徒矜誇

柔兆執徐

上

元日早朝

斗柄初回淑景移嵩呼兩度拜丹墀唐虞之際斯爲盛開闢
而來未有奇緒纘

三朝謨烈後化成四海養恬時行年五十臣何幸親覓
宮庭備上儀

唐花四絕句

梅花

一枝香雪豔東風移向晴窗著意烘何事孤山瘦不穩也隨人到輓紅中

水仙

不御鉛華學道裝臨池愛寫十三行底須親解湘皋佩說著江湖興欲狂

牡丹

殿春花使破春開幾費園丁窖火催莫怪天工遜人巧世間富貴半求來

探春

翠裳綺袂韻深含九十風光次第探自是燕臺春較晚不如

支枕夢江南

贈陳中丞

淮

曾記開筵明聖湖近移節鉞到洪都封圻望重

天心倚山斗名高士論孚五世交曾敦孔李一鄉誼本屬枌榆追思十六年前見海鷗風姿故未殊

衣冠海內幾清門名德文章奕葉尊雲氣上天初入宴春光謁畫屢承

恩愛才羣讓提風雅餘慶忻看逮子孫自悵京華獨憔悴高樓百尺瓣香存

經筵日

文淵閣侍直恭紀

祕閣頻年忝末行瞻

天又慶日重光農書才進中和節

是日爲二月二日

講席旋披小雅章

進講樂只君子民之父母二句

民瘼萬方同

怙恃心傳一脈接黃唐

是日皇帝先詣傳心殿行禮

不施步輦

謙尊備

家法原從問寢詳

題李舍人

鼎元

愛吾廬

各有結廬處官閒愛始真擁書並羨貴款客每忘貧冷澹我
眉月飛揚京洛塵商量竟誰勝得住且怡神

送陶上舍

梁南還

傾耳才名識面遲恩恩又復戒行期特勤過訪因申款爲遣

離愁索贈詩二月東風人去後一江春水客歸時到家尙有
酴醾看櫻筍厨開尙見思

讀馮比部

敏昌

所爲尊人奉政

達文

行狀題後卽送比部

還粵

我幾十萬山湜湜廉江水卓哉馮奉政允矣古君子弱冠入
膠庠十行日書史晚乃困名場冷官非得已樂育及生徒任
卹徧鄉里薰德每善良聞風或興起生平多定識夷險貞素
履神明老不衰黃髮復兒齒方期荷

三錫需宴列闔綺脩然乘白雲去來如脫屣比部今曾參泣
血不能止謂言老母存且緩須臾死嗟余交子舍十六年於
此送君更慰君瀧岡礱石埃極目天涯亭何時剖雙鯉

五十初度自述

浮生動以百年期，倏指居然得半時。
於世真憐等疣贅，與人曾未補豪釐。
悠悠衆譽寧堪信，歷歷前非豈盡知。
白日漸低春漸晚，縱教炳燭已云遲。

積薪甘讓後來薪，薄祿偏羈負米身。
墮地命誰司飲啄，如天恩獨受。

君親孟郊得第殊多事，辛讜無官亦可人。
幾欲棄書重學劍，楚江猶有未消塵。

煩惱相乘那得刪，邇來更悟治生艱。
妻癯似鶴常多病，兒小於孫只放頑。
絕少雄心爭後世，并忘素業託名山。
瓣香自爇無他祝，小築林亭早閉關。

暗中衰態覺頻增，貞疾翻爲不死徵。
老眼已愁迷白練，殘牙敢戀嚼紅綾。
才遲久謝八叉手，醫好要求三折肱。
多少舊遊登鬼錄，青雲莫但羨飛騰。

攜觴排日過花前，虛費親朋挂杖錢。
醉後思隨流水遠，睡餘味愛夕陽妍。
宦途聊作逢場戲，歸計何勞負郭田。
最好光陰容易失，兒童竹馬是神仙。

洪大

亮吉

以其曾祖大同君

璚

秋山讀書圖見示，蓋康熙

癸未作於京師禹鴻臚

之鼎

筆也。中更遺失乾隆己酉

洪之族人於廣陵購得，乃復歸焉。先侍讀與君爲兒女姻圖中獨無題句，因系一詩於後。

崑霞先生古爲徒，舊畚經訓被服儒。
宦遊不忘讀書樂，乘興

遣畫秋山圖是時先生選上舍詵詵弟子門牆趨

時大同方教習八旗

初宰交城繼刺霍往往甘雨隨其車一麾雲中晚作守至今
指點棠陰敷維先侍讀本同歲誼則金石姻葭李先生曾孫
我中表著作已直承明廬念圖流落數十載合浦忽喜還明
珠攜來示我索題句謂我交與常人殊圖中作者盡名宿畫
師好手推鴻臚草堂三間萬卷積如入黃海遊天都兩家舊
事頗能述明德之後要非誣自憐門祚日凌替爲學爲仕皆
成虛白雲谿邊敝廬在索米敢戀長安居有田而歸待何日
秋來空復思尊鱸還山倘遂擁書願種松歲月猶歸吾

夢回

夢回窗外午陰移別看兒曹鬪奕棋酒可解憂偏易醒貧真

是病不能醫三千里路難歸客廿四番風欲盡時桃李自榮
還自落賣花聲又到將離

遊天主堂卽事

峩峩番人居車過常遠眺今來城西隅得徑甫深造其徒肅

將迎先路爲指導或久官義和或纔辭海嶠客多叫髯種食

配雞卵料

餅餌數器皆以雞卵汁和麪爲之

少憩揖而升居然煥寢廟翦松

就範圍屈鐵變縈繞

殿前有鐵闌庭松方圓不一皆裁翦所致

香花中供養壁繪

天主貌曾甦垂死人能謝洪波權

壁間所畫天主事蹟

亦無甚奇蹟彼

特過夸耀謂自開闢來竟絕人與尙樓頭旋奏樂彷彿八音

調轉振惟一手吹噓殊衆竅更喜火發奇迸如劒躍鞘觸機

四肢振匪藥百病療右築觀星臺儀器匠心造橫鏡曰千里

使人齊七曜迺於窺天微兼得縮地妙所惜昧機祥但解推
蝕朧或云利瑪竇始由勝國到豈知貞觀間早有大秦號胎
源山祆玉篇阿憐切閩中謂天爲祆徐鉉增入說文神不外六科要徒爭象數末
詎析理義與

聖化溥裨瀛重譯不煩召治歷首明時量能爰策效吾儒通
三才本異索隱詰因疎專門業致被遐方笑太息邇歸塗高
林澹斜照

五日雨中

四年五日客長安風雨重教感百端待死誰憐守株拙是龍
也覺尋標難傾來酒帶新蒲碧典盡衣更細葛寒腕地垂楊
拍隄水幾時草閣一憑欄

張烈婦詩

烈婦王氏交河人南皮學生張裕慧妻

南皮有佳士弱冠能知名交河有嬌女爰遣百兩迎上堂見
翁姑翁姑開笑口易逢好門楣難得此賢婦白華何粲粲可
以潔晨餐朱紉何愔愔可以佐君彈長吉苦嘔肝文園乃消
渴洗手夜作羹片片肱肉割春花忽碎雹弱草偏傲霜蘊此
腸百結揚揚如平常豈不念尊章吾夫自有弟豈不戀呱呱
命維食母繫低頭拜食母泣嚙藐小孤倘能使之存便堪謝
吾夫殘月耿屋梁酸風激人面嗟嗟百年軀畢於三尺練不
死是其分竟死全所歸但求心之安鬼神弗敢違素壁寫遺
容烈婦嘗畫其丹青屬餘事誰繪貞烈姿縣邑牘百世

夏至日洪大

亮吉

招集寓齋

此會春明少當筵盡故鄉釀從千里致

是日飲吾鄉所寄酒

日愛小年

長庭竹娟娟淨檐風細細涼不辭情話久坐到月昏黃

題詠篁軒雅集圖爲陳

嵩

何年無七夕高會幾人傳案戶星河影呼朋瓜果筵迎看桃

葉竝

時君新納二姬

坐喜竹陰連珍重秋如畫吟情亦可憐

題黃上舍

思長

敦好齋印譜

楊王姜趙流傳久印史重標敦好齋自是山農家法在酸鹹

何與俗情諧

細攷偏旁證六書雕鐫手妙得心餘莫將小道輕遊藝早有

新編繼二徐

君著有二徐攷異

送王廣文

芑孫

之官華亭

十載春明壯志閑輕帆催送潞河干勾留連日因同調成就
名山是此官攜酒定多人闕字循陔最羨客攀蘭鄉心我比
君先引峯泖終追訪戴歡

昌平道中

曾讀一篇山水記邇來遊蹟始經過此邦不少閒科第偏是
人稱風漢多

湯山

湯山近可遊夙願今始展朝發午竟達詎嫌馬力緩大山高
而童小山秀而衍池波何渺瀰峯勢屢迴轉竹樹受風多芟
荷散香遠亭寬每容坐橋側不礙踐到此暑氣消因之塵慮

遣但覺濃綠濃頓忘輓紅輓仰瞻

玉札文想

駐金根輦物以見用悅地亦逢時顯豈無任兵農日復勞軒
冕願言浴與風異乎三子撰

湯泉

萬物判陰陽寒乃泉之性胡爲得湯名獨感溫氣盛寰中所

在有七者名相竝

湯泉知名者七匡廬汝水尉氏驪山鳳翔之駱谷和州之惠濟渝州之陳氏山居也

見研北

昌平李陵臺尤以近畿勝我來恰當暑澡浴與時稱

周遭贅以錫其下石如瑩有木塞兩竇自我操其柄出疑波
濤激去則涓滴淨喧涼若相濟深淺各適興誰司爐鞴權孰
掌燿火令吾聞致此由厥類亦靡定砂牀最和平礦窟實偏

勁茲泉近礮石品猶不失正豈唯速離垢且喜永蠲病吾衰
况多疾安得日遊泳重到待秋涼後期此先訂

沙河

沙河明重鎮曾此建離宮北衛山陵迴西當關塞衝時清烽
斷火戍古樹棲風誰創嚴城議如聞自相嵩

歸塗口占

密雲不雨日光微消受涼風試葛衣一片青山兩行柳亂蟬
聲送客車歸

送桂大令

馥之官永平

我家南蘭陵君家古曲阜交君雖獨遲耳君實最久憶昔來
京師青龍在乙酉參差未一見會合果非偶昨秋李生鼎座

欣然始執手自此數晨夕論文共尊酒忽作萬里行銅章而
墨綬牢山霄漢通怒江日夜吼休愁南夷偏所貴北門守嗟
君晚得第一官已白首胡爲逐風塵將毋戀升斗或者蘊經
術藉以洩期負懸車歲尚遙何患不三九君聞殊未愜唯唯
復否否此去但三年仍歸耕百畝豈知余更決無埃田之有
樹立苟自信出處皆不朽摩崖字百金勒碑人萬口君去亦
足豪書來應細剖未曾炎方住先冒溽暑走臨岐惜遠別贈
言冀虛受勤種召伯棠徐栽陶令柳

爲棟鄂少宗伯

鐵保

少宰

玉保

題聯牀對雨圖作圖時雨

人方爲學士

古有對牀約束坡與子由今看兩學士復繼此風流佳話傳

蓬島離情異鄧州蕭蕭梧竹雨同聽最宜秋

莫羨郊祁盛還應讓後賢地分卿月迴史奏德星聯山斗寰
中望丹青門內綠自憐有弟隔白日看雲眠

通惠河泛舟作

頻年未作野航泛載酒恰攜人兩三柳外斜陽波底月都城
東是小江南

舒穆祿運使

阿林保

於長蘆官廨新構意園成有詩索和

因次其韻

園亭隨地有得主便超然池小容鷗浴松多任鶴眠偶營皆
盡意日涉自成緣到此生詩思清於飲露蟬

當暑北窗臥羲皇不遠人澹忘軒冕貴暇與簡編親種樹濃

添翠爲山細作皺知君才似海小築見經綸

縱橫裁畝許入望窈而深繼日可燒燭迎風每弄琴寄懷常在昔報政獨推今俗士應迴駕相於祇素心

清絕直沽水宜迫明聖湖昌黎盤谷序摩詰輞川圖容膝居原易題襟德不孤何當依信宿疑義析差殊

棟鄂少宗伯

鐵保

以所藏歐陽文忠公南唐官硯索詩甲

寅歲嘗爲伍堯祭酒

法式善

題硯記拓本矣復成二斷

句

容臺藏硯幾經春物得人歸信有神位業不殊遭遇好可知六一是前身

點點涵星潤雨餘手承仙露滴蟾蜍何當萬杵成雲葉乞仿

昇元帖裏書

六月十五日雨中集蘭薰齋送桂大令襲以玉壺買春賞

雨茅屋爲韻分得壺字

故人折柬救豐廚敢憚衝泥戒僕夫
小飲八仙都放浪暫遊萬里莫踟躕
樹高隔院濃陰徧雨快連朝暑氣無
歡緒乍申離思起且拌爛醉覆瓢壺

吳侍讀

錫麒

招遊澄懷園爲雨所阻走筆索和

翰林主人迴離俗厭抗黃塵愛林谷
都城西去有名園凡鳥未容輕止宿
四時之氣夏更清千章木聚鳴蟬聲
開軒便有芰荷對一杯儘可消三庚
三十年前我曾住歲乙酉嘗從劉先生星庵讀書
於入夢難忘舊遊處只今恰得好居
停索飲會須酬斐句果此

聞治具相招邀四人同心興益高謂祭酒法式善比部伊秉綬水部何道生宵來風雨忽交作曉起愁聽聲蕭蕭乃知有約苦不到先生宅比羅浮妙紅衣易落西風峭珍重餘芳畱曲沼

舍弟

球玉

書來以余五十初度寄兕觥爲壽觥雕飲中八仙款有文樞製三字鏤刻極工詩以答之

經月未有南書傳看雲白日常倦眠朝來瘦弟書忽至發械讀罷情纏綿書中大旨我能剖勸我及時閑笑口謂言今年鎖五十遠寄兕觥爲介壽却仰一角光如濡上有飲中八仙圖作觥者誰製何巧署名隱約文與樞輒紅深處炎歆苦合遣辟塵兼辟暑念予節飲已頻年興到不辭觴疊舉枯魚屈蠃困所遭素衣久化徒勞勞朝天敢望汝陽貴費錢又難左

相豪年華空羨宗之少看鏡自悲還自笑仙才聖草客無能
雄辯高譚骨猶傲何時去作鑑湖長閉戶逃禪滅羣想任他
宿債負尋常容我浮蹤遊曠蕩前非未覺鬢霜侵深杯那敵
愁腸深叩門詞窮歸抱匏但博日日添狂吟白雲溪邊數株
柳春水狎鷗吾舊友對牀聽雨待明年與爾盡傾家釀酒

送舍姪

學轍

南還

梧葉報秋寒西風曉跨鞍兩番憐下第曠歲滯長安且泛明
湖艇

時將先
之山左

還加遠道餐蘆溝今夜月應怕舉頭看

送人頻折柳又送汝將歸久聚情難別長貧計各非菱思蘆
莢脆蟹愛稻田肥吾亦拙簪決明年著芟衣

附和作

遊子慘將發秋光正滿鞍相依經歲久幸託一枝安夜
侍深杯飲朝分薄俸餐自憐茲別後青眼更誰看
尙欲依人去浮蹤苦未歸蕭條生計拙太息世情非久
客心如醉端憂貌不肥幾時能復聚回首淚沾衣

孔褒印拓本六韻

執義如從事高名自不刊碑憐貞石損印喜吉金完布白文
殊古凝朱血未乾無慙尼父後竟老豫州官業早春秋貫家
真兄弟難到今方寸紙珍重使人看

左大令輔書來竝寄宣城紙詩以答之

一丸曾荷餉松滋

去歲惠墨

萬杵重將雲葉貽腸與墨磨肝作紙

聞窗日日寫相思

七夕冒雨訪吳侍讀

錫麟

於澄懷園之小清涼館流連水

夕卽事成篇

兩訪名園因雨阻今來復遇翻盆雨不辭策蹇及蕭辰且喜

到門未亭午一鞭方法遠衝泥二屨那知先在戶

謂梧門祭酒槐

粉沾衣輕作雪松枝塞徑粗於柱主人聞聲倒屣出脫帽披

襟喧笑語開窗便看葉田田花似逢迎相向舞井梧墜後甫

三日爽氣居然滿庭宇始知畛本小清涼不藉金風纔破暑

操觚速了翰墨緣

先作小詩爲未谷題扇

入座旋爲杯琰舉飲豪頗傲

河朔會地迴應過半千鴨堆盤菱藕飽咀嚼俱饌魚鰕巧烹

煮碧筍擎到滴真珠以口承之清沁肺腑舌鋒那肯讓儕輩拇

戰直同嚴部伍暝色將低暮蟬飲水光乍閃流螢聚同遊七

子作者三

謂未谷梧門蘭士

我醉欲眠忘客主占同滅頂衆且狂

存稚

船山以泗水爲戲

說可解頤吾所與

謂主人及墨卿

良宵況值鵲填橋新月

如鉤闕眉嫵莫道神仙會合難終勝塵寰別離苦卷簾凝目對河漢觸壁垂頭笑童豎洗車剛罷又灑淚多事天邊是牛女今夕偏教雨占多此間獨得秋如許夜聽清響徹孤枕曉覺新寒侵薄紵主人出酒盡餘歡是樂平生宜易數同心能共幾朝夕陳蹟大都一仰俯采得夫容香送人歸塗車穩疑搖櫓雨既能來晴更佳清遊擬待中秋補

和禮王世子

昭捷

見贈元韻

珠璣四十字讀過韻冷然未共西園賞常懷東閣賢心緣愛才切句爲表忠傳

世子有題故鳳山令湯大奎笑所瑣談詩

自愧殊枚速經營勉

屬篇

爲族弟

汝恭

題松陰散步圖

造物孕靈秀山水一洩之不有千章木安見輝映奇就中孰
天矯尤在蒼官枝時作風雨聲能幻蚪龍姿伊人宛如玉散
步茲爲宜松根劖茯苓松下擷華芝聊以充服食匪獨娛襟
期誰歟寫丹青畢宏老畫師命意旣高遠下筆殊紛披阿連
正年少奮發當有爲俛可青紫拾仰則雲霄馳胡爲慕神仙
巖壑耽棲遲此乃老夫事子尙非其時

八月十四夜直廬作

禁外遙傳擊柝聲露華濃處月分明中秋節近鄉心起大角

芒銷兵氣清

時雨湖賊匪
漸次剿平

豈望人題木居士祇應身伴古先

生故山桂樹誰招隱孤負花前酒一觥

題莊生曾儀詩詞後

五七言中三折肱幾回風雨詠青燈義山儘可雄唐代何必
衣冠學杜陵

錦囊得句憶當時辛苦曾聞母是師七十四材分小雅性情
終數蓼莪詩

已有篇章負盛名還將餘事倚新聲稼軒兀傲梅谿婉不是
天才學不成

紀仙書的拙於書皆門下士代寫同年伊比部秉綬輯其

硯銘草槩裝之成冊次韻題後

銘辭廿紙剪裁新筆斗香奩硯共珍冊中研銘之外有筆斗鏡函二銘塗改

漫嫌隨意寫裝池難得有心人

閣微堂左拓窗紗想見揮豪落彩霞持與柳家新樣比可能
斂手笑薑芽

秩宗文字久撐腸壽石緣還藉省郎我亦乞書廬子幹數行
殘墨至今藏

召弓學士亦拙於書簡翰多起草
屬人錄之唯子則必欲致其手蹟

送周舍人

有聲

之官黔中

青龍在重光我始交希甫

舍人字

時方直西掖幸得隨步武出

常車騎聯入每几硯伍君遭乾蔭頹我失春暉煦從此隔音
塵曠越九寒暑前年來都門未知君館所君先過敝廬肝鬲
快傾吐謂子別後文駿駿益入古俾作先人傳用光循吏部
轉眼倏五霜應官長聽鼓君僅博一第我更無足數叩門拙

致辭仰屋歎終窶且喜君資深可免索米苦朝來闕除書
詔往金筑府君家住臨湘咫尺故鄉土所欣近粉榆所慮乏
資斧公爾卽忘私彼舍則此取牂柯本巖疆首賴扞牧圉西
南連六詔東北控三楚種旣雜苗獯俗亦尙劒弩咸聞息烽
燧是宜急楮拊至於宦通塞早有命宰主相期保初終慎勿
枉卑俯君曾稟庭誥家況畱治譜想見學淵源毋煩告覲縷
窮秋方凜冽滿城正風雨旅雁晨遰天節花晚開圓逖矣萬
里行黯然一尊舉我將覓尊鱸君勉曳珪組他年倘重逢好
証出與處

班婕妤二首

承恩柘館生男日流涕東宮作賦年不是故辭同輦寵早知

秋到扇先捐

白華無色綠衣新之子知幾殆有神堯母門題鉤弋死漢家
何止薄功臣

子戾

姪學彭校字

亦有生齋集詩卷第十四

亦有生齋集詩卷第十五

武進 趙懷玉 億孫

古今體詩

柔兆執徐

下

九月二日游安樂園卽事

朝出豐宜門秋原眇寥廓遠村何曖曖野水猶漠漠荷芰紛
離披蕪蔣亦漂泊那知有園林且喜擅邱壑樹皆百年餘地
更十畝拓池寬暗藏艇岡峻劣容屬過棚憶葡萄面圃思芍
藥頗羨園居人買田能負郭

城西盛別業大半元人遺傳聞廣宣王朝夕恒於斯

相傳園爲耶律

文正故居門前雙石獸應伴行馬施滄桑幾易主湮沒難具知好

之客無力居，或人非宜造。物每畱憾行，樂須及時不見。平泉
築垂老崖州，馳文成草木。記守與孫子，期勝境亦何常聞者。
領畧之，苟能此日涉奚翅吾廬移。

獨樂豈如衆，清緣詎全慳。當茲好風日，庶幾一追攀。雜坐詩
謔作忘形禮，數刪行厨出。竹裏展廣席，依松閒把杯。復持螯兩
手，不肖閒好游。勇可賈對酒，膽愈豚涼風。颯上衣，夕陽漸沈
山。會心塵壒外，遠跡聲利闕。且盡今日永，無畏重來艱。

金尚書山林

名園今寂若，古意自蒼然。小閣環秋水，荒亭積暮煙。畱題多
漫滅，過客尚流連。恐下嚴城鑰，恩恩又著鞭。

同葉編修

紹檢

訪吳侍讀

錫應

於澄懷園不值過何氏酒

樓小飲用山谷題息軒登快閣二首韻

不到園池剛兩月荷餘敗葉滿添叢訪君每至必逢雨有客
能來共詠風東序傳經歸直晚北窗連榻入秋同商量老學
如今少得暇還期過放翁

興盡迴車聊覓醉居然雨歇快新晴三層小閣攝衣上一角
遠山到眼明如畫樓臺紛掩映趁喧冠蓋自縱橫歸耕各有
來年約把酒毋忘此日盟

編修有明歲
同歸之訂

昆明湖

小步西堤上昆明一望收水光清鑑髮山翠澹宜秋遙作都
城衛頻經

御輦游安瀾恢禹績卅載鎮金牛

隄有銅牛乾隆乙亥年鑄

九日集陶然亭歸登黑窰廠作

重陽易風雨難得秋光澄江亭擅城南盍簪結游朋是日舉

國狂車騎殊喧騰敢云嗜好異聊踵習俗恒有約或應官

胡舍

人校

避囂且尋僧

與葉編修紹桂獨游龍泉寺松栢永樂諸菴

蘆寒雪欲徧鞠晚

花未曾須臾衆漸散斟酌興可乘雄談挾神鬼縱酒吞淮澗

雙輪夕已駕一閣高重登山從背面出月正當頭升驅車陟

呖陀四望暮色凝名流旣云邈餘蹟猶堪憑人固有代謝地

亦遞廢興太息遵歸塗遙指林梢銍

畫梅歌爲陳嵩

元章好竹君詠篁畫梅無怪盡所長元章沒骨工設色君廢

胭脂獨濡墨有時下筆澹不收斜月欲落輕煙浮有時屈鐵

紛作幹墨蚪夜驚濤拍岸千枝萬枝出匠心煮石農死誰知
音獨寫橫斜兩三朶補之收之無不可君家江北吾江南卜
居隨處花爲菴如何各走三千里風雪漫天醉燕市君名一
日傾公侯尺幅爭致兼金求能畫梅花臥游好我若嚼花饑
亦飽寫圖那及手自裁擬攜鴉嘴從君回

題舅氏葉先生

樹藩

梅花水仙小幀

有序

舅氏工畫而恒不署名生平所作絕少予僅得二幅一
爲山水卷子已邀同人題詠一爲此幀裝而弄之未及
題識今舅氏沒十三年矣客牕檢閱爲之泫然因系小
詩俾有所考時嘉慶初元九月

能畫不求名有才乃無命寫生亦偶然尺幅誰與竝疎疎落

墨絕塵滓補之葬齋今不死羅浮美人洛浦妃直欲招之來
腕底寒窗一日三摩挲花兮花兮奈汝何人生難得顏長酤
春風那及秋風多

題蔣學正

和

傳筵圖卽送南歸省墓

湘帆先生衡手寫經妙蹟直繼唐開成餘事集詩詩五首便
而作書貽子婦康彊逢吉寓祝詞婦也能賢母則慈不傳諸
伯傳諸仲想見庭闈親授時可憐寸草心長碎傳筵圖成一
而再伏膺常同栢棧陳關山遠向輪蹄載只今勒石輝鴻都
能其不朽唯斯圖表章母德遍海內題辭卷已牛腰麓居然
孝子慈孫備肯負當年傳筵意姓名早荷

九重知風雨仍將一椽蔽從來珠桂是長安況復鄭虔居冷

官賣文換得三升酒醉裏乾坤喜獨寬知君少小別邱墓夢
中迷卻松楸路攜圖聞欲返江鄉至性卽君難及處馬頭霜
重悲蕭晨還君之圖淚滿巾春暉未報垂垂老我亦同爲無
母人

家觀察

翼

七十初度詩以寄祝卽用王子秋送別元韻

廿載懸車久今年杖國纔神仙誰得地中外共稱才書著蘭
咳暇人登蓬頂來最欣初度日恰值嶺梅開

宦跡粵黔遠家風琴鶴清微曾揮幕府詩每紀游程傳世方
爲壽藏山必擇名一編流播處萬口誦同聲

樂事天倫備韋經教不違籤看啟瓊爰鄒喜繞斑衣已擢桐
枝秀頻添椿樹圍祝公無傑句慙附塞鴻飛

晚松鄉味好春酒壽杯深雲樹三千里音書一寸心思歸猶
緩緩爭道任駸駸相約隨鳩杖重披選勝襟

送崔學士

景儀

出守思恩

我昔與君舉同歲我長於君視如弟我官曾未進寸階君乃
三遷致身易門才北地如君稀位置只覺槐廳宜方今

天子重方面一麾俾守五嶺西驛程雖遙非失意乞郡詞臣
有成例不曾彊仕已專城大可發揮胸臆志堂前有親尙黑
頭籌筆正臨雄楚樓茲行定省快畫繡奏捷應及趨庭秋文
章政事酬

知遇使星歸來福星去

君嘗典
試粵西

離觴在手雪滿天送人作郡

空年年

哭女十二首 有序

丙辰十月廿六日得長女孟嫻凶問哀衷所觸拉雜成

詩畧盡生平以當一哭云爾

也曾看似掌中珍石火流光幻此身二十九年空墜地可憐

生死不相親 女生於戊子五月余時在都下

失恃哀號僅七齡提攜弱妹各伶仃此時已悟浮休理 女七歲喪

母卽有此身可厭之語無怪人先薤露零

少依外氏泛吳船尤博高堂二老憐送過雲溪如送死 子家與壻

家止隔白雲溪一水比隣嫁得亦徒然

血作羹湯肉作糜焚香夜讀禱神詞 張孺人病革女割股以進并願減算代母幾

家前女能如汝不信天心竟不慈

女紅每惜寸陰長中饋時還習酒漿莫道深閨未更事等閒
辛苦備先嘗

一臥滄江病裏過牀頭執手淚痕多那知蒲柳翻無恙枉現

空華優鉢羅歲已酉余患肝病頗劇女常飲泣

斬新花鳥稱心摹人說鍼神近所無猶記春觴介眉壽色絲

親繡九如圖壬子正月家君七十生辰女製壽星像特工

槐花黃後好音遲兩世喪偏兩載支憔悴不徒勤鞠子卷施

心已碎多時甲寅秋女夫貴甲以落舉畱滯都門女叠遭王姑及君舅之喪遂得咯血症今年夏復以外孫

阿緱病危力疾撫視子愈而母不起矣

豐容盛鬋想全非兒女熒熒竟孰依曾共壻家甘澹泊入棺

仍著嫁時衣

桂花纔謝菊初開月黑霜寒慘夜臺女沒于九月三十日欲涉關山應
膽怯併無魂魄夢中來

書到全家涕泗紛忍揩
潏眼望南雲黃河隔便黃泉隔喚女
聲聲可得聞

身後原知百事虛秋潮曾否達雙魚七月中曾作書寄女棠梨一樹墳
三尺銘壙何時慰女孀

十一月十五日第三女叔嫗隨其壻龍郎輔歸蕪湖送至
長新店作

同來旅館話燈殘老淚臨岐一再彈正是分張偏月滿未堪
跋涉況天寒嫁仍骨肉三年聚歸願姑嫜一見歡此去唱隨
應北望早憑江鯉報平安

冬夜溫編修

汝述

招集氾香吟舫分得坡字

十年小別等閒過情話重聯感逝波酒力厚支寒氣猛樹枝
疎受月光多地幽住許僧隣近君寓對千佛菴客醉歸防尉叱訶同
欲買山誰更決相期陽羨訪東坡

爲畢上舍

用霖

題陳生

鑑

畫畫中梅一枝茶壺一具而已

頗愿落有致

候火常烹第二泉銅坑幾結看花緣江鄉見慣渾閒事說向
風塵便是仙

砂壺貯茗數宜興靜對寒梅味似僧此福甚時歸領畧紙窗
竹屋一青燈

十二月十九日翁學士

方綱

招同羅山人

聘

伊比部

秉綬

方明經

楷金秀才

學蓮集蘇齋修東坡生日之祀上邈

景祐丙子蓋七百六十年矣

瓣香重爲坡仙設雪後蘇齋曙色澄入古須眉同魯直

齊中並懸

山谷

步塵翰墨有吳興

是日觀公偃松屏贊及松雪天冠山詩真跡

圖成濃淡俱

臻妙

學士有蘇齋三圖

詩和尖叉或未能

是日學士詩先成卽和雪後題北壘壁韻

七百

六旬長不朽壽公何止比川增

是晚洪大

亮吉

復以東坡生日招同人集卷施閣歸而作

歌

朝從蘇齋歸暮過卷施閣卷施閣比蘇齋幽竹樹無多具邱
壑就中特祀玉局翁再拜焚香奠遵爵祭餘飲福各傾醪戶
則分曹琰交錯或猶尙論示抑揚或竟疑神游寂寞是時雪

後夜色明斜月添輝映簾箔室溫頗畏獸炭偏氣盛欲謝狐
裘著忽然牕紙鳴不休萬竅怒號風競作恍如置我江湖邊
兀兀孤舟不能泊得非感格靈之來風馬雲旗蔽寥廓翁生
丙子今丙辰屈指天干符歲筭遙遙七百六十年壽世聲聞
久彌燦文章尤賴忠義傳自命故應高所託吾儕行樂無遠
謀但向生前計杯酌須臾風定酒亦闌燈火歸人驚倦鵲

小除夕集卷施閣仿唐人賈閔仙祭詩例作

前日祭東坡今日祭閔仙卷施閣中開廣筵尙友千古招時
賢鑄金頂禮今陳迹好事重看像懸壁從來詩以歲除祭破
例何妨先一夕詩傳豈在爭多寡相知誰定吾文者楓落吳
江負盛名等身著述翻居下且向生前盡一杯蘇李沈宋俱

塵埃糟邱可埋此間樂避債那必尋謬臺是日知交半海內
隔坐分曹各成隊我雖小戶勢頗張摩壘而來倒戈退坐中
有客家天都手攜爆竹高而轟一聲已使凍雲裂繞樹三匝
驚栖鳥須臾客散驅車並餘酒還當風力勁只愁債主立門
前歸去教人敗清興君不見今年冬暖如三春街頭猶有號
寒人我能狂歌未覺貧況復酒脯償精神

疆圉大荒落

歲甲寅禮世子

昭捷

嘗介所親屬訂詩葉且索序言然初

未識面也丁巳元旦塗遇忽遣前騎來問知是

懷玉

下

車握手意誼殷然賦此奉贈

未作朱門謁偏爲紫陌迎何由知姓氏遽爾駐塵旌良會疑

天假名言使俗驚昔原勞贈綺今直抵班荆展慶聊從衆開
韶喜放晴萍蹤殊可紀吉日況元正

人曰立春童孝廉

廣陽

招同人集吾心書屋分韻得身字

二首

煎餅聞遺俗嘉招有故人八仙宜會飲七日恰迎春月影東
軒早梅花昨夢頻何時剪蒿韭穩著草堂身

猶是辛盤例居然味極珍把杯忘客舍對鴈羨歸人且闕新
拈韻休孤健在身當筵各親懿情話不嫌真

上元前一夕溫舍人

汝能

招飲卽席作

吹面東風不夜天索羅占後入芳筵人從傳座連朝醉月爲
張鐙初度圓盆列唐花春意滿壁臨晉帖墨痕鮮

壁間有舍人自臨二

王狀如五鼓猶睡飲直欲君家借榻眠

燕九日西廡觀煙火歌

韶華獻歲逾半月屈指已落第四冀俗徵故事尙燕九冠蓋
雜還游郊垌人間燈收靜簾幙天上春永開軒屏

西苑之西地尤曠

詔進百戲陳于庭昇平事當與衆樂北極北漠東東溟山高

水長樓名望縹眇罷設訶禁疎瑤局是時日下暝色薄纖塵不

起遙天青秋千影隨燕雀動舞萬隊逐鷓鴣停排字都成吉

祥兆奏歌合抵鈞韶聽我我鼇山列火樹誰秉橐籥驅風霆

五里迷漫滂香霧九霄璀璨攢繁星灼灼能來花頃刻纍纍

如貫珠瓏玲就中萬盞更奇絕黃金出冶粉晶熒玩膏鶴談

各騰躍汲矢飛駭皆空靈須臾鐘鼓響亦寂神功徐歛仍無
形方今楚蜀烽漸息屢豐況慶老復丁縱有流亡邀

燭照便教震撼歸綏宜小臣觀止思紀盛撞洪鐘奈慚枯筵
直廬遐憶耿不寐輝輝蟾魄穿虛櫺

次韻爲吳典籍文桂題黃戶部錢所寫欽中山水卽送歸

欽

野鶴何心夢著緋海鷗無事自然肥披圖不效臨淵羨來歲
春風我亦歸

管大侍御世銘今年政六十矣賦贈三百字

君家門祚厚文章接忠義少服負米勞曾不廢講肄嘗謂應
舉作要自窮經始山之無本原談亦何容易汎濫及詩歌酸

鹹殊愛嗜氣皆虹貫月聲必金擲地三誤中副車晚乃青雲
致出入判旣均平反才更試羣公虛左待上相刮目視因遷
樞禁直屢奉皇華使冰看太液嬉樹倚溫室祕旋登臺閣選
兼重耳目寄且爲鳳鳴和不作鴈擊鷺英英眉間色鬱鬱胸
中志豈惟識力定并覺精神異吾家與君家累葉訂交誼君
長近十年幼卽以兄事得句共商推逢場恣游戲雖經幾回
別未斷數行字滄江分長臥京國忽重至春盤每傳座秋塞
頻聯騎君今已周甲天俾昌而熾相莊白首偕逢吉綵衣侍
著述矧不朽身名信俱利園笑桃李榮徑思松菊蒔盈尊重
勸酬片語慎省記君年七十一我亦六十二敝廬我早歸初
衣君合遂於時成兩老庶幾證無媿婆娑風月中當博日日

醉

同年石修撰韞玉重次蘭亭序字爲文棟鄂侍郎戴保爲

書一通因題其後

蘭亭一序繫人思千載重排絕妙辭乞得侍郎書退筆各疑
腕下有羲之

又近芳林祓禊天風光卻憶永和年何當覓箇流觴處泥飲
同攜三百錢

法源寺分詠二首

佛牙

一牙已如許丈六況全身迎到從何代藏來或有因傳觀爭
噴噴說法想津津不壞煩呵護休教碎作塵

眞武畫像

跣足復披髮誰歟見此顏然疑文進筆

像無款識或以爲戴靜菴蹟

位業

武當山猶是龜蛇列來依龍象間春游一瞻禮香火靜禪關

送陳奎文

嵩歸如臯

銷暑銷寒迭主賓邢堪尊酒餞芳辰風塵幾載客驚座書畫
一船歸傲人此別好堅攜手約與君各有倚闌親碧霞山色
連珠水到日應開夢尾春

二月廿六日舉第二子名曰添丁漫成

生兒丁日復丁年便喚添丁效玉川貧甚預愁昏娶累望深
先祝性情賢愛懸弧值鸞花節拌典裘開湯餅筵好待典兄
同就塾五齡以長怡隨肩

大兒震
壬子生

陸陸漸覺鬢霜催慙媿徐卿第二孩此子一生殊未定而翁
大秋已初開家餘羣籍知誰讀世有名山遲我來且博含飴
慰親意昨盤試後其舟回

題湖山歸養圖送吳侍讀

錫麒

車前赫赫擁八轡何似單舸容遨遊甲第紛紛陳八簋何似
芳蘭勤掇采清華久懸官不卑雞肋宦味餘可推望雲但覺
日堪愛陳情急趁春同歸有親具慶臻眉壽有子能文承指
授得天本是君獨優論福故宜神所佑春明祖帳近清明雜
花著樹烏弄聲潞河一篙新漲碧舟行此去多逢迎入門團
圀話無恙鮐魚好佐傾家釀倘卸宮袍換綵衣可向人間憶
天上兩峯

羅聘

爲作歸養圖湖山風景畧不殊扶持二老出游

賞夾岸應識延陵吳。留君未能我心苦。我亦親年七十五。相期明歲南風燕。先省庭闈再訪君。

俞貞女詩

貞女無錫人。字高郵。拔貢生金蘭蘭死。女欲以身殉。母守之嚴。不得死。畫女貞花。題詩見志。逾半載病瘵歿。

臣從筮仕始。嬾以廟見成。字而猶未嫁。究異百兩迎。遽責矢靡他。毋乃太過。情志行苟獨著。世俗反所驚。卓哉梁溪女。竟守在室。貞手繪女貞花。直爲已寫生。卷施心暗碎。杜宇啼無聲。終作黃蘗歸。冒此鴻毛輕。但求魂魄安。違計毀譽爭。金生才翩翩。朗如玉。山行自從揚州別。契濶歲屢更。何期早芳隕。使我老淚傾。相隨有嘉耦。亮已慰素誠。彤史洵足昭。菽林竝。

增榮倘推法外意應荷綽楔旌

清明日集陶然亭分得家字

新煙出樹柳藏鴉攜酒同膏南郭車望遠恰宜窗列岫尋春
可惜地無花因耽談詠游蹤合永憶江湖歸計賒珍重一尊

傾日暮明朝又送客還家

謂吳侍讀錫麒

題邵進士

葆祺詩後

詞壇飛將醉鄉侯天遣風雲筆底收莫道無人替平子

謂張檢討

問同時逢君我又一低頭

龐檢討

士冠

朱比部

文翰

同日生子兩人皆好禪龐先有

詩朱復和之余亦戲次其韻

同日桑弧設聯吟若自嗤充閭互忤鬱

東坡詩鬱鬱佳氣夜充閭

入抱各

變心豈從飛絮身誰免挂絲相看成一矣我亦近生兒

送鮑民部

之鍾

還京口

春來日醉離亭酒折盡春明門外柳祖帳今朝又到君論交
屈指無君久憶昔同客秦淮濱青龍在午月在申司空

歲壬午故

侍郎劉公星煒

座上一把手衆中意誼尤相親

行宮旋奏長楊賦第一才名先得路踈足方輪騏驎塵散仙
竟隔蓬萊住深嚴雞木曾因依君入曹司我亦歸黔粵羨栽
桃李樹江湖慙脫芰荷衣朔飢索米長安道落落晨星舊游
少俊逸猶推鮑照詩蹉跎漸惜馮唐老君家卜築對金焦歎
枕往往聞波濤故園此去良不惡種松料已如人高茶煙禪
榻何時共三十六年如一夢東風餘寒且珍重自有飛花管

迎送

三月廿五日大風獨游法源崇效兩寺看花歌

揚沙十日驚飈輪閉門席凝一寸塵九旬花事已過盡此時
不出孤芳辰看花最好在何處城西兩寺能藏春便爾驅車
遡風去如衝逆浪江湖濱先經法源後崇效獨往不見同游
人花兮開亦有遲早丁香色減梨花新就中海棠本奇豔一
朝受妒封姨神支離蕉萃有重困不成春睡愁含顰由來名
盛易遭侮松柏亦復摧爲薪徘徊花下三大息萬物榮落皆
前因明朝重過試檢點誰者墮厠誰飄茵

四月十三日舒穆祿北部

阿林保

招集適園分得失字

春去未浹旬嘉招得良日園開將逕三人過竹林七新綠庭

已齊牡丹圃初茁如登襄陽船直入維摩室主客形兩忘坐
起興俱逸謀篇集腋成是日以詩
牌集句得句脫口出須臾羅羞珍
酬酢各真率大戶互相誇沈酣肯告畢夕易向晚頽歸路驅
車疾補詩甚追逋常恐斯景失

正陽古慎陽地東漢黃叔度故里縣治西北有徵君祠年
久圯壞常熟張夔子恂見之言于有司加修葺焉索詩

紀事

言論風旨無所聞天下其號黃徵君亦舉孝廉辟公府出處
聊隨時仰俯東京標榜尙一時君之淺深乃莫知臨朝晚致
陳蕃歎逆旅少爲荀淑師德如顏淵壽同短生年何必期頤
滿祇愁慎水祠久荒日炙雨淋人不管有心難得南沙張一

朝棖桷重輝煌能成盛舉卽千古想見山高與水長茫茫誰更追芳躅澄之不清淆不濁頌君直欲廢文辭天祿外史真蛇足

哭史觀察夢琦

傳聞丹旆到鄉關遠使人乘老淚滑持節有聲歌粵海蓋棺無計出閩山君罷官後留滯經年始得歸卒於甌窰舟次廿年臺閣原輕去百尺絲羅亦誤攀孤負興賢君所居里名舊華屋不畱松菊待君還

挽王通政友亮

除目頻登鬼錄催傷心卿月黯銀臺浮生祇博經年快薄命疑根往劫來視歛含惟畱白髮君歿之日惟太夫人在都望松楸竟殉黃埃君病中已乞省墓假報可仍未得歸風流頓盡吾誰與千首詩篇酒一杯

病中雜詠

一官已禿中書榜二頃今非季子田惟有病魔驅未得不居人後占人先

急雨翻盆響夜闌重衾猶自怯衾單貧家偏觸天公惱典過春衣分外寒

檢點方書孰奏功車前一七效歐公醫來還把烏頭進要使灰心換熱中

階前漸覺薜苔長門外稀聞車馬過莫怪客疎因病後往來同調本無多

新買雙株夾竹桃弱枝忍遣與風塵憐他花亦如人瘁盡日低頭不敢高

惺忪歸夢破荒雞欲寄鄉書嬾未題已是身緣多累誤關情

又到小兒啼

時添丁
患病

省卻朝朝聽鼓聲匡牀閒看月虧盈瀆川倘遂誅茅願

時有
卜居

木直
之意學道餘還學養生

附和作

戴殿泗

紅藥翻階十八年未甘間舍與求田維摩示疾原非疾
懶著鞭爭祖逖先

落月相過共倚闌深談不復怯形單由來世德門如水
怪道能消一味寒

軟飽三杯最有功清吟萬首睨天公緣知病後神逾王
浮世妍花總鏡中

愛客清尊當座滿
陰人綠樹隔窗過
偶聞三日無談笑
枕上詩添小篋多

笑煞綏山問一桃
積年塵土忍相塵
何如五嶽兼昏嫁
放鹿青崖興最高

歌殘白日復黃雞
慷慨難勝白傅題
一事慣從風過耳
晴鳩啼罷雨鳩啼

領得桓伊弄笛聲
七言七首素箋盈
新愁那逐輕風去
涼月窺檐太瘦生

同年陳舍人煜招泛通惠河卽事

屢悵清游阻今乘
雨後來三篙新漲
滿一角夕陽開隔
舫頻呼饌當風數
舉杯偶逢籬落好
小泊一徘徊

閉牖遂成瀑真如屋建瓴夏還飛急雪晴每走驚霆客有投
錢去急湏中羣兒泗水爲戲人或投錢輒能摸索得之人誰倚檻聽兒童輕狎浪性
命等浮萍

壺觴已酣客雷雨又催詩天意神難測塵襟洗亦宜竹林追

雅集

是口同座七人

榆火感前期

甲寅清明前一日王給諫友亮招游於此

車馬城東路

衝泥歸去遲

葉舍人

繼雲

招游尺五莊

尺五名園水繞之城南有路接豐宜已爲野老羣游地曾見
尙書獨樂時茵荷得風香易散簷簷障日暑難欺多君退食
猶招客好事岑參未足奇

送楊三

倫

之官粵西

銜杯方話三年別飛鳥俄看萬里行惟所使期能報

國最難撫是乍休兵去憐老友歌驪送到有諸蠻跨象迎好
待政成多暇日更從桂海志虞衡

爲顏明府

崇舉

題聽泉石門二首合卷卽送作宰興化

欲洗箏琶耳聊憑漱玉音須教施物溥莫戀在山深歆石閒
來坐真源悟後尋長官清似此藉爾一盟心

清絕石門境輸君占取多巖畱古冰雪塢絡舊藤蘿治蹟雷
封始游蹤駒隙過蜀岡煙月好較此定如何

立秋前一日與顏明府

崇舉

洪編修

亮吉

行祥門看荷復

邀伍堯祭酒

法式善

同出德勝門步至極樂寺作

五日四僊直寅入出逾午遮眼惟文書打頭易風雨今晨幸

得閒爽氣澄天宇平明過陋巷有客隨款戶駕言同出游洗
此塵盛苦溶溶太液波柄柄朱華吐層橋一凭眺曉色何媚
嫵旋經松樹街載訪詩龕主主人夙好客咄嗟設雞黍

今年菱荷盛近秋暑未殘一出德勝門花事尤可觀田田葉
如海極目何瀰漫光翻明霞錦香浥碧玉盤不忍疾驅過徐
步長河千園林一水外樓閣五雲端遐瞻疲應接小住聊磐
桓庶幾投精藍以永朝夕歡且喫趙州茶并飽伊蒲餐庭梧
意欲落珍重斯須看

立秋日同人再游極樂寺作歌

昨日未秋今日秋連朝快作城西游有極樂寺地最幽一觴
一詠宜名流國花堂敞豁兩眸勺亭更喜環清瀾殿前四松

早化蚪垂楊尙拂行人輶西望五塔勝可搜金剛座自成化
脩褫衣且趁筋力邁蝸旋暗竄恐誤投登涉旣倦思拍浮分
曹射覆交觥籌酒酣日落生離愁二客欲下維揚州時羅山人聘將
還江都顏大令崇或出或處道不侔要勝索米長安畱而我
久羈將何求所戀戀者惟朋儔此時故鄉樂事稠鱸魚正美
香稻收會當去泛江湖舟舊盟再證閒汀鷗

立秋後五日同年章大令

學瀛

招集積水潭分得三字兼

示伍堯祭酒

環都諸泉盛西北入城滙作積水潭映日芙蕖曉灼灼梳風
楊柳秋毵毵我來才值素商節涼波滉漾撥輕藍紅愁豔醉
盡入望彷彿客夢還江南龍王堂前地半畝有朋簪盍恣詼

談或解衣誇氣磅礴或拈豪費吟詠誦登樓真去天尺五刺
艇恰容人二三忽聞參差聲欲裂吹簫者南昌譚光行廚
饌佐碧筒飲河朔以後無此酣我從入夏苦多病支榻遑遑
如僵蠶邇來十日屢歡讌較量清福毋乃貪物外煙霞行處
有眼前風月何人擔今朝高會須紀述李圖米記蹤宜參賢
豪愛客有花縣風雅好事推詩龜

題張蒼水先生畫像

抔土曾尋碧血遺又從圖畫展須眉弓刀豈必輝麟閣姓氏
猶聞重豹皮幾輩易名同

曠典

通鑑中較著者爲忠烈共一百三十四人

一篇表墓待豐碑

有司欲立墓碑未果

乙科

私淑瓊山在

明以舉人起家者公之前以海忠介爲第一

龍首黃扉空爾爲

七夕三首

例有新詩酬七夕且拌枯坐到三更入秋廿日涼猶淺牆角
初聞蟋蟀聲

乞巧心灰旋乞癡年年瓜果費陳詞近來兩念都忘盡只願
浮生少別離

河漢微雲雨乍過洗車灑淚竟如何神仙也要填橋渡無怪
人間風浪多

爲伍堯祭酒

法式善

題黃司馬

易

所寫詩龕圖

竹梧蕭瑟水灣環選食詩人此閉關肯證聲聞文字末獨探
消息性靈閒靜邀彌勒同栖止病許維摩數遶還自笑吟情
遜鄉思欲煩子久畫家山

寄莊二

與君小別苦相違
屈指還家是此時
華簾秋風鄉味好
關山瘴雨宦程遲
論文合繼王褒藻
處困憐臣朔飢
未得臨岐親折柳
一篇補寄贈行詩

詩家詩

有序

無錫顧觀察

光旭

選梁溪詩鈔凡千一百一十人既授

梓同邑賈生

松

取諸家原本以嘉慶丙辰九月瘞於錫

山之南招同人會葬名曰詩家丁巳夏復來京師徵詩

將勒石焉

晉宗秋剛翁

講應詔予曾大父行也嘗輯昆陵百家詩

文獻桑梓熟衷輯備采風

百家標厥目觀察今長康起而踵芳躅盡搜梁谿詩十倍猶

未足壽者登棗梨餘焉賸膏馥賈生惻然動久恐滋媒黷獲
孰傷子雲投溷悲昌谷爰仿墓大夫葬令統枝族孰古與孰
今三薰更三沐盛之縹瓦缸函以文梓櫝惟此歛精魂異彼
埋骨肉庶幾名山藏差勝遼海哭豈無象祁連身名朽俱速
朝聞松柏摧暮見狐兔伏何如茲冢安佳城九龍卜盜心阻
摸金嘉禮等瘞玉句聯新故吟書任子孫鬻人傳香一瓣客
薦泉盈掬同心旣難得好事亦堪錄後此千百年誰爲生也
續

題碧湖春泛圖爲戴太常

瑤

碧浪湖頭春水生畫船徐泛出春城山光四面鏡中台塔影
一枝雲外撐清遠至今勞夢想韶華幾度費吟情披圖我憶

曾游處訪戴何年載酒行

哭畢尙書

沅

梁園曾記做華筵蹤跡鴻泥又十年嶽瀆大都歸部下

秦華衡

江淮河濟皆君宦迹所至

封疆誰復出公前螭坳舊夢巍科稱鶚舍斜陽

悲耗連

君弟瀧亦於今春去世

聞說楚天烽漸息幾時丹旆返江垓

詔書昨下卹勞臣共羨榮哀及此辰絕大仔肩殊有識最疎

節目不嫌真非綠媚姪關情厚

贈公爲子僚壻

想見孤寒灑淚頻矣

世慶延應未艾門基負荷竟何人

羅山人

聘

以所摹海嶽硯山圖見示予二十八年前在平

湖高氏曾見此山并爲作歌旣錄舊詩復系一絕

東湖曾泛廿年前風雪高堂說米顙莫問移山近何處六峯

已有兩峯傳

題莊上舍

曾儀印存

消遣窮愁幾歲寒，自言摹印得奇觀。
家風參透南華訣，迎刃庖丁一例看。

中秋日何戶部

元煥

工部

道生

兄弟招同人游法源寺歸

集寓齋小飲作

秋色忽過半游蹤，及此摯情藍無客。
到佳節有人聞鄉夢，懸

雙桂

吾家庭前二桂極古

齋心契八關，緣牆都辟荔。
入望儼深山，

好客難兄弟，殷勤勸駐車。
酒情酣側帽，琴思託平沙。

工部善琴敏

提詩誰就飛騰日，又斜拌乘餘醉返坐。
看出蝦蟆

中秋夜過戴吉士

殷泗

宅款扉而入，則既寢矣。榻前坐譚

良久翌日吉士有詩因次其韻

中秋幾度見清光遣此良宵未有方爲訪懷民頻叩戶肯同
子敬遠移牀生來逸興貧難減消到雄心老不狂畢竟瓊樓
高處好欲從君去一迴翔

丁巳八月二十二日第四女少媛適涪州周氏口占五詩
送之

無多骨肉屢相違別淚時時爲一揮二十五年依膝下那堪
又送汝于歸

宛轉深閨費護持最先失母嫁偏遲而今禽向方償願告慰
泉臺知不知

賣田索米計誠賒竹筍練裘氣自華一語解嘲還志妨由來

婦德出貧家

聞闔風微不動塵街循槐樹碾香輪莫嫌蜀道如天遠同住
春明卽比隣

名卿世閱衆爭推玉潤兼聞快壻才好去觀型勤問寢二南
誦後誦南陔

太保大學士誠謀英勇公章佳文成公挽詞

位業三台地勲威百戰場民知相司馬敵畏見汾陽遽應龍

蛇誠真令朝野傷爭傳大星隕昨夜失寒芒

公歿前一夕有隕星之異

稽古易名典惟茲曠代隆贈兼周太保爵本漢三公聞疾垂

慈淚

太上皇帝在熱河知公疾狀揮淚者數刻

臨喪致

聖躬

皇帝親臨奠醑

應緣鼓鼙響

軫念及元戎

人美委蛇度吾言瞻視尊有風清使節惟水似臣門異已難
生謗儲才不市恩詎謫伏枕語國是尙頻論

前因原歷歷金粟正開時剛效崧生祝俄成木壞悲氣嚴情
自厚澤遠穀能詒譔定歸青史摠哀且綴辭

贈韓比部

對

憶昔逢君十五六共羨人如溫潤玉明經名達

天子廷試以吏才教折獄看君翔步白雲司我亦隨行到鳳
池禪院曾吟小秋句書堂記和短檠詩我臥滄江庚蟀改君
旋揮巡南至海但見珠從合浦歸不聞石向端溪采燕泥又
認舊巢痕風雨閒將往事論自悔知非當歲晚卻輸疆仕得

官尊商量出處詞珍重庭闈各有靈椿奉努力君爲養志人
灰心我作還家夢無忘頻寄日邊書準擬扁舟返弊廬便趁
春風依講席相邀陽羨買田居

卽甫是升予老友
也時主講蜀山

重九後一日同伊比部

乘綬

游普覺寺

香山距城遙倭直始一至巖泉阻游蹤簡牘了公事歸塗覓
精藍乘興賴同志時已重陽過暖若三春季入門風日佳雜
樹丹黃蔽溝深通櫻桃壁古滿薜荔嵯峨峙雙閣升陟得初
地登高不嫌遲補昨所未遂琳宮有金仙長枕復大被遽然
丈六身夢歷千百世山僧謂余言佳景四時備結夏此尤宜
下榻君其試自憐塵勞人良愧居停意明年知何方踐約恐
非易

十月六日訪瓜爾佳大令

積善

於晚香別業對鞠小飲流

連竟日卽事成篇

訪鞠何處佳城西乃無匹驅車路任遙款戶情已逸曖曖小
春天森森晚香質或如絳雪霏或比黃金茁不肯寄人籬相
將入此室照耀有精神位置稱疎密名葩信難遭奇種矧未
悉到眼色應迷盟心節無失主人今陶潛出處與之一曾栽
河陽花慕種彭澤秫簪紱早恬澹衣冠尙真率時揮南唐琴
大令家藏有保大間琴獨抱東籬鄰每當花放時置酒鮮虛日我來甫
一面名論欣四出家饌雜盞陳藏醪巨觴溢斜陽惜易盡餘
興苦未畢攜尊待重過得句盍先述

十月十九日同人攜酒集周編修

厚轅

齋中舉展重陽會

次何員外道生韻

長安最好晚秋時，例展重陽又此期。
載酒維摩新拓室，看花靖節舊編籬。
官閒便覺光陰駐，交寡應於會合宜。
風味客中原不惡，何如鱸膾與莼絲。

豪情未減戲逢場，深坐宜嫌夜氣涼。
笑任衆賓歸寂莫，愛看孤月出青蒼。
插萸屢歎顛毛白，采藥終期手爪黃。
安得結鄰何水部，斜陽古柳築村莊。

牧翁詩斜陽古柳趙家莊

移居和宋祠部

鳴琦

新營十笏小於舟，窗外疑通暗水流。
載酒客多忘禮數，著書人豈爲窮愁。
牆依老樹寒聲滿，盆放疎梅暖氣浮。
好其銷磨過九九，小車竟日爲淹留。

紫雲翠幄最繁枝曾款門於春暮時君舊寓藤花極盛三宿巢痕偏

可戀一肩家具卻頻移誰能先泛煙波宅有約同游風雨池

我亦古藤花下客乞君重和舊題詩癸丑甲寅之間余僦居竹垞古藤書屋

冬夜吳編修裕德招集接葉亭

次第銷寒快得朋林亭勝處又燒鐙此間祇合名流住幾輩
能來良夜登漸覺倦游人似海向拌痛飲酒如澠唐花已漏
春消息鄉國南枝放未曾

兩世交情近卅年相看青鬢換華顛輸君早著閒居賦笑我

全虛負郭田且喜論心都坦率未妨卽事共流連何嘗摹取

裴東筆王太守宸嘗作接葉亭圖圖記重教雅集傳

附和作

掃選年來漸少朋何期連夕共挑鐙囊中句好縛先引
海上魚鮮俎可登但許論交無鑿枘不妨飲水辨淄澠
劇憐踏鼓朝天客屢問銀壺漏轉曾

瞬息流光欲判年聊於投轄寄狂顛雲霄可奮先垂翼
江水堪盟未有田銷鑠雪霜顏易老勾留風月會應連
荒齋那稱名流集或借新詩異日傳

銷災第三集集吳吏部樹萱齋中卽用移居韻

自還蜀道歲頻遷卻喜新來卜宅偏半壁粘猶舊詩句雙扉
掩卽小林泉論文我久推吳質入畫君應傲葛仙

葛稚川有移家圖

宦海莫如人海穩好官何必定多錢

今歲長安無雨雪江南春憶故山梅醉鄉且共蜉蝣寄歸夢

休教鷗鷺猜大戶人誰甘北面廣庭月易向西顧膏騰不覺
寒威重坐聽統如街鼓催

子 戾

校字

姪學彭

亦有生齋集詩卷第十五